

南渡錄大略
靖康朝野僉言
建炎維揚遺錄

建炎復辟記
建炎筆錄



南渡

大略

靖康朝野僉言
建炎維揚遺錄
建炎復辟記
建炎筆錄

撰人不詳

南
渡
錄
大
略

撰人不詳

中華書局

南渡錄大略

此據學海類編本
排印初編各叢書
僅有此本

南渡錄大略

靖康元年丙午二月初二日。金人圍京城。三月初三日。金人北去。十月十九日。金人元帥粘罕再圍京城。二十五日。京城陷。金人入城。粘罕遣人入城。求兩宮幸虜營議和及割地事。二年正月十一日。粘罕遣使入城。請皇帝車駕詣軍前議事。二月十一日。車駕出城幸虜營。十七日。車駕還宮。三月初三日。車駕再幸虜營。次早。帝見太上皇亦到營。初四日至十五日。皇族后妃諸王累累至軍中不止。十六日。粘罕命以青袍易二帝之服。以常人女衣易二后之服。侍衛番奴以南家子呼帝。十七日。金國以張邦昌爲帝。國號大楚。十八日。太上及帝并二后乘馬北行。二十一日。次黃河岸。二十二日。入衛州。二十七日。至泉鎮。四月初一日。過真定府。五月二十一日。到燕京。朝金主。六月初二日。朱后死。年二十六歲。十三日。至安肅軍聽候。六月末。移居到雲州。紹興二年。鄭后崩。年五十七歲。二帝移居西均州。六年。上皇崩。時年五十四。同年。移少帝往源昌州。八年戊午。金人廢僞齊劉豫。召少帝於源昌州。十月十九日。少帝到燕京。與契丹耶律延禧同拘管鴻翌府。帝移安普寺。紹興十三年。賜帝居于燕京之北。紹興十四年。岐王完顏亮殺金主亶并太后。亮卽位。紹興十五年。徙少帝于城東玉田觀。紹興二十年。徙少帝入城。囚于左廨院。紹興二十二年春。帝崩。年六十歲。

